

\id 1TI

\c 4

\s Sikabung ten-dam lo paysing genaning

\r 1 Timotius 4:1-5

\p

\v 1 Se tup! Wali Waglo logo tang so, ngge kalik don ey mo pen-nengam, <<Yansi go ku pung go nogo, maso go tap ey kukunan kuasep go tap ey nguok go, sikabung temu gemang. Esang! Ngga tup go, keng golo, paysing sogo tap lo nemotnang mea degut.>>

\v 2 Yang! Nemotnang ngga, wamoy mlue ey go klui-klui lo gemang lelek. No, klui-klui go dabui-iku, demu koy logo kalik dasing go, don mo nega gemang. Esang!

\v 3 Ngge kalik go wabui-a, klui-klui ngganemot logo gabe kiking: “Blong duo yap kabung kua iti, sedue kua iti!” Nggano don ey gemang ya poplong: “Ten ngga kua dedam go, ngge-a dedam go gabe!” Se duing! Ten naklay Ki Wali Iram lo semu go, imot mo keng go sikabung lo, dam genang. No, taiti suey ey Ki Wali Iram no pu gono, iti go se dam.

\v 4-5 Yang! Ki Wali Iram lo semu-ngam go ngganemot naklay suey dato, klaya nang go kagot sogo, kua. Ten naklay, Ki Wali Iram go nebut ey dewi ey golo, teguop goso gemang mo lemoy. Ngga tang so, yakay ey, taiti suey pupu gono, imot lo mea dam.

\s Iram Yesus go keballi nang so Timotius taling go

\r 1 Timotius 4: 6-10

\p

\v 6 Timotius dem! Yakay ey, taiti suey ey pupu gono, naklay imot lo dam genang tap ngge, blong duo yap nogo suey so se taling. Ngga tang so, Iram Yesus go keballi sedue sogo, suey so mot mea ip.

\m

Deguo Teguop ey wali tap seni eygo, mot mo keng go, waysagi ey mlak go, ku no-woy no ten kalik dedam golo, mot go wali don mea kok.

\v 7 No, mambut pen piam go, nebut-nebut seni kua go, kabung nalo logo kalik popok go, ngga sono se itak. No, wali tap don-ey koklong genang-a, kangok so mot logo se u-usey.

\v 8 No, se duing! Saysuk don kok genang rlam u-usey go,

imot nogo seni seguay dato. No, dabui ba sogo, Ki Wali Iram go duduing no don kok genang so pupluok go, seni kangok dega. Yangga, wali inim sogo tegadi gabe! Tegadi inim go seni, wali ngge nogo ey, senang wali nogo ey, mea ikum.

\v 9 |Wali genang nebut, seni so gabe! Naklay iti go kekeng go, ngga suey.

\v 10 Ngga tang so, wali tegadi seni tegu genang-a, don ey kangok so, seguot gabe pung-etugu. Yangga: Ki Wali Mani Iram seguong nogo-a, nenam so duduing glok go, imot gabe bubung. Yang! Ki Wali Iram, Susuoy Iram! Sikabung naklay sesuoy genang Nemot lo ta gabe mlak! No, kuduong sogo, blong duo yap-a, suey so, seni so mea suoy.

\s Timotius go kebalı mang king go

\r 1 Timotius 4:11-16

\p

\v 11 Timotius dem! Mot, nemot-a maning nguot sogo! No, wali nebut ngge naklay, sikabung nogo don ey se pepen klong!

\v12 Ngga tang so, mot ku sono sedue klayanang golo kenok genaning! No, blong duo yap nogo ngge-a se taling! Yangga: mot go nebut pen; mot go wali tasam suey go; mot go klum; mot keng-duduk suey go; mot wali kon kua go; ngga ey mot tang go yatrang suey goso se suing.

\v 13 Genam maning kua pung go nogo, Wali Sam klaut-a senang so ikum go se pepen. Ngga sik sogo seni, sikabung meno suey so buong genang sogo-a, wali nebut mang se ngunguok.

\v 14 Se duing: sikabung temu wali tap nguok go ngga, mot go taiti wali-pega gemang. Nemot go seni kangok dega. Ngga pupluok genang sogo, mot kua itak. Ngga Ki Wali Iram logo senong eygo, woy-woy lo mot blo nogo ta mo tui-nenayom gemang.

\v 15 Taiti wali-pega ngga sik so iti go seni, se u-usey! Mot go wali ba no taiti ngga bebabu go, sikabung naklay ikum go, senong genang.

\v 16 Se senong! Saysuk yay, suey so mot se suing! Ngga ey, Wali tap ngunguok go, mot tang go se mlak dali. Ngganemot naklay ba nogo, don ey mot suing go, susuoy sogo mot tang go mea wali. Nggano, mot no tup-duk go sikabung, wali mea susuoy dali.